



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Na osnovu člana 3. stav (2) Odluke o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) utvrđujem:

PROGRAM
AKTIVNOSTI ZA DAN OBILJEŽAVANJA OPSADE SARAJEVA 1992.-1995.
ZA 2025. GODINU

I UVOD

Odlukom o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) propisano je da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za narednu godinu. U izradi Programa aktivnosti za Dan obilježavanja opsade Sarajeva 1992.-1995. konsultiran je i Savjet gradonačelnice za Informativni centar o Međunarodnom krivičnom sudu za bivšu Jugoslaviju (u daljnjem tekstu: Informativni centar o MKSJ Sarajevo). Uzimajući u obzir nadležnost Savjeta, utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvaženi prijedlozi Savjeta.

II RASPORED I OPIS AKTIVNOSTI ZA DAN OBILJEŽAVANJA OPSADE SARAJEVA 1992.-1995. ZA 2025. GODINU

Naziv aktivnost: dokumentarni film „Pofalićka bitka-grom u zoru“, autora Avde Huseinovića

Lokacija: aula sarajevske Vijećnice

Vremenski okvir: 04.05.2025. godine

Satnica: naknadno

Učesnici aktivnosti: delegacije Grada Sarajeva, strane delegacije, diplomatska predstavništva u BiH, delegacije, predstavnici različitih nivoa vlasti u BIH, predstavnici relevantnih udruženja, umjetnici, učenici i studenti.

Obrazloženje:

Grad Sarajevo, putem Informativnog centra Sarajevo, svake godine detaljno planira sprovođenje aktivnosti za organizaciju događaja koji su planirani kalendarom obilježavanja događaja koji se bave kulturom sjećanja i suočavanja s prošlošću i utvrđenim programom radom Gradskog vijeća Grada Sarajeva. S tim u vezi, Informativni centar je već pokrenuo niz aktivnosti potrebnih za planiranjem programa opsade Grada Sarajeva 1992.-1995. za narednu godinu, kako bi se na vrijeme, a što kvalitetnije pripremile programske aktivnosti. Dostavljeni zahtjev za podršku realizacije dokumentarnog filma, čiji radni naslov glasi „Pofalićka bitka-grom u zoru“ autora Avde Huseinovića, predsjednika Udruženja „Pravda-Sarajevo“, tematski obrađuje historijski događaj herojskog otpora Armije BiH u odbrani glavnog grada i njenih građana koja se odigrala 16. maja 1992. godine, te je spriječila presijecanje glavnog grada

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



Sarajeva na dva dijela, tada strateški planiranog od strane agresora, tek osnovane vojske VRS-a. Ovo je jedna od važnijih bitaka koja se odigrala u opsadnom Sarajevu i ključna je za egzistenciju opstanka glavnog grada i njenih stanovnika.

Shodno mandatu i okviru djelovanja Informativnog centra Sarajevo, Program obilježavanja opsade Sarajeva u potpunosti treba da odražava sjećanje na stradale žrtve rata te da na prigodan i dostojanstven način obilježava najdužu opsadu jednog glavnog grada u savremenoj historiji ratovanja, kao i patnju, hrabrost i herojski otpor stanovnika i branioca Sarajeva u opsadi. Ovaj film upravo opisuje ključne događaje u odbrani glavnog grada koje su izveli policijski pripadnici odreda pofaličke i velešićke policije iz Novog Sarajeva te odreda Buća Potok. Na taj način obezbijedili su uslove za napredovanje Armije BiH u pravcu Žući, sjeverno od Sarajeva te spriječili prodiranje agresora u grad. Film također sadržava izrečene presude vojnom i političkom rukovodstvu VRS-a, tokom kampanje granatiranja i snajperisanja civila i glavnog grada tokom opsade Sarajeva, te na taj način promovira rad i nasljeđe MKSJ/MRMKS.

Nakon premijernog prikazivanja filma, i objavljivanja na društvenim mrežama, autorska prava prikazivanja se prenose na Informativni centar Sarajevo za daljnje korištenje filma u edukativne svrhe, kao i u cilju promoviranja rada izložbene komponente Informativnog centra Sarajevo.

Naziv aktivnosti: Polaganje cvijeća na ključnim lokacijama stradanja civila u Sarajevu

Lokacija: Naknadno (utvrđuje Organizacioni odbor)

Vremenski okvir: 05.04.2025. godine

Satnica: Naknadno (utvrđuje Organizacioni odbor)

Učesnici aktivnosti: Delegacije Grada Sarajeva, strane delegacije, delegacije općina u sastavu Grada, Kantona Sarajevo i ostalih nivoa vlasti te predstavnici relevantnih udruženja

Napomena: Ovo je protokolarna aktivnost i nije izmijenjena.

III REALIZACIJA PROGRAMA I LOGISTIKA

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarnu aktivnosti, provođenje potrebnih nabavki i sl.

Organizacioni odbor će biti ovlašten i da izvrši dodatno preciziranje lokacija, satnica, učesnika i zvanica.

Odsjek za informiranje (Press služba) Grada komunicirat će s medijima i sačinjavati saopćenja i medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

IV FINANSIJSKA SREDSTVA

Za potrebe realizacije Programa sredstva u iznosu od 35.000,00 KM bit će obezbijedena u Budžetu Grada Sarajeva na poziciji 614 300 – Primjena Odluke o uslovima i postupku prihvatanja pokroviteljstva Grada Sarajeva.

GRADONAČELNICA

Prof. dr. Benjamina Karić

Broj:
Sarajevo, __.__.2024. godine